

و نائق مهمه تاريخيه مجموعہ سی

عبدالرشید علی پاشا



برنجی جزء :

کرید

ناشری

صبحی پاشا زادہ محمد خیر اللہ



وثائق مهمه تاريخيه مجموعه سى

صدر اسبوعى عالمى

برنجى جزء :

کریه

ناشرى

صبحى پاشا زاده محمد خيرالله



استانبول

بكر افندى مطبعه سى — وزيرخان

۱۳۲۷



صدر اسبق عالی پاشا مرحومک مأموراً
کریدده بواندقلری اثناده جزیره مذکورہ
اختلافک تسکینی ایچون تصورایتدکاری
بعض تدابیر اصلاحیہ نی حاوی باب عالی یہ
کوندرمش اولدقلری لایمحددر

باب عالی یہ — حانیہ فی ۲۳ شعبان ۱۲۸۴
تشرین ثانی

انکلتزه واوسـتريا دولتلى طرفلرندن
کرید مسئله سی حقننده عرض اولنمش اولان
صورت تسویه اوزرینه مجلس عالی خاصده
جریان ایدن مذاکرات صائبه نک تفصیلاتی
و کیفیت اراده حکمت افاده حضرت شهنشاهی بی
حاوی شهر شریف جارینک ایکدی تاریخچیه
مورخاً زیب انامل تعظیم و منمخرت اولان
تحریرات جلیله داوریلری مال عالیسی
مدرکه پیرای چاکری اولدی. و عطفو فلو صبجی
بک افندی حضرتقلری دخی دقایق حال و ملا-
حظاتی بالا طرف تفهیم بیوردیلر. بنده کترلرینه

هرشیده و با خصوص بو مثللو امور غامضه
 ومهمه بك حسن الحلالی مسئله سنده ایشه
 یرایه جق رأی بولوب ویرمکدن عجز مستمدانه م
 مسلم و مجرب ایکن حق بندکانه، مده بووجهله
 دخی ابراز و بیدریغ بیوریلان اثر التفات
 و اعتماد مکارم معتاد عالیدن و بالخاصه میرمشارالیه
 حضر تلری کبی درایت و فطاتی و کافه حقایق
 مصالح سنییه و قوف کاملی اولان برذاتک دخی
 ایشک هر طرفی تشریح و تبلیغ ایتک اوزره
 بو طرفه اعزام بیورلسندن نه مرتبه لرده مباحی
 و مفتخرونه درجه لرده منتدار و متشکر اولدیغمی
 تعریف و توصیف قابل دکلدر .

جناب فیض مطاق خلیفه بالحق اولان
 ولی نعمت بیمنتز پادشاه توفیق پناه افندمن
 حضر تلرینی الی یوم التباد اریکه شوکت سبیله
 سلطنت و عافیه رونق و ذات معالیمات
 داوریلرینی و بالجمله رفقای فخام حضراتی دخی
 سایه نسیلاتوایه جناب جهانبایده دائما و کافه
 امورده موثق بیوره آمین .

مسئله مباحوث عنها اوزرینه دوران ایتمش
 اولان مذاکرات ایشک هر جهتی جامعیه
 اولوب بوکا بر مطالعه و رأی جدید علاوه سی

قولکنز مثلوا عقول بسیطه اصحابنه کوره
 حد امکانده اولیوب فقط امتثالاً للامر العالی
 ومستنیراً بانوار اراء الاعالی بعض خواطر نافعنه نک
 عرض و تحریرینه جرأت قانونر .

شوبله که اولجه دخی اشعار اولندیغی وجهله
 کرید جزیره سنک اختلالنه سبب مستقل یونانستانه
 التحاق ماددسی اولوب جزیره نک خرسیتیانلرندن
 جلی و خفی بوبایدہ داخل اتقاق اولیمان اقل
 قایل اولدیغی حالده مصلحتک بو قدر وقت
 اوزانمی و دولتر نامنه اوله رق اجرا اولنان
 مواعدک بو آنه قدر انجماذ اولنه مامسی پک چوغنی
 یاسه دوشورمش و صحیحاً مطاوعت و استیمانہ
 مجبور ایتمش اولدیغی دلائل غدیده ایله مثبتدر .
 مقدم و بو دفعه تقدیم اولنان معروضات
 عاجزانہ مدده دخی بر تفصیل مسطور اولدیغی
 اوزره شو یأسدن و اتخماذ اولنان تدابیر تأمینہ
 و تألیفیه دن ناشی مطاوعت و دوائر حفیظہ
 عسکریه ده دخالت میل و ارزوسی یوماً فیوماً
 تزیید و انتشار ایتکده در . فنظ مادامکه علت
 غایه و ماده فاعله شقاوت و اختلال تبدیل تابعیت
 مسئله سیدر . شمدیکی تمایلات مرضیه بروجه
 محرر انک حصواندن مایوس وبری طرفدن

کوستریلان لطیفاته مانوس اولمزلرن دن انشات
ایدوب بویاس برظرف اولدینی و حصول
مطلب اصلی امیدی ادنا مرتبه تجدد ایتدیکی
انده ینه افکار دکیشه جکی و شمعی مع النشکر
قبول اولنان مساعدات سنیه نك تماماً اونودلیه.
جفی اقوای ملحوظاتدر .

دولتلك تمامیت ملكیه سلطنت سنیه اساسنه
رعایت ایده جکلرینه دائر ویره جکلری تأمیناتک
اهالی مسیحیه جزیره نك تفتیش مشترکدن
حاصل ایده جکلری شوق و امید جدیده قارشو
کلوب کله میه جکنی عقل قاصر چا کرانه م لایقوله
کسدره مز ایسه ده جزیره نك شو کونکی کونده
بلکه ثلثانی یونانستانه التحاقدن بشقه بر اتسویه بی
قبول دکل اصغا بیه ایتک ایستیمیان اشقیای
مضره ورؤساسنک و بونلردخی روسیه و یونان
دولت لرینک تحت قومانداسنده بولندقلرن دن
دولت لر قومیسر لری بورایه کلوب ده اداره آتیه
حقتده افکار اهالی بی سؤال ایتدکلرنده او مقوله
اشقیانک وزیر نفوذ و جبرلرنده بولنان و اذهان
و قلبلری بالطبع یونانه مائل اولان فسدّه قصبات
و بله نای قرانک یونانه کچمکدن اوزکه بر
مطلب لری اولمدیغنی بیاغنی عموماً میدانه

قويه جقلى اغلب احتمالادر . وبو نتيجه نك
 ترتيب مقدمات تسهيليه سى ودولتلك تماميت
 ملكيه اوزرينه ويردكلى توثيقاتك بالجملة
 اهالىنك متحداً درپيش ايده جكلى طلي
 محو وابطال ايده ميه جكندن طولاي خلتك
 تا مبنى ضمننده كرك تفتيشه كله جك روسيه
 قوميسريله بوراده هرآن ودقيقه بيك درلو
 فساددن خالى اوليان روسيه قونسلونك
 وكرك بونانليلك صرف ايتيه جكارى نقود
 مساعى قالميه جننده قطعاً شبهه اولنه من .

اسباب مشروحيه مبنى تفتيش مشترك
 نتايج تحقيقات وتفتيشاتى اكثر بلكه عموم
 اهالى عيسويه نك يونانستانه ملحق اولوق
 استدعاسنده بولندقلرينى مؤيد اولورسه
 مجلس عاليده دخى تذكر بيورلمش اولدينى
 وجهله شمدي دولت عليه عرض توسط
 وتأمينات ايدن دولتلك دخى هم كندى
 ملتارينه وهم بزه قارشو غايت مشكل بر حال
 وضعيته بولنه جقلى دركاردرزيرا اول تقديرده
 كندولرى يا الحاله هذه بتون اوروپاده قانون
 عمومى حكمنه كيرمش اولان اصول قوميتك
 خلافته ويا خود دولت عليه ايتدكلى وعدك

احساسنده بولمق شق لرندن برینی اختیاره مجبور
 اوله جقلر درو و حسب الحال ترجیح ایده جکاری
 ایکنجی شق اولیه جنی امثالی دلالتیه مجزوم
 کیدر واقعا تأمینات جدیده پارس معاهده سنده
 مندرج اولان شرایط صریحاً حدن اقوی
 اوله من شرایط مذکورهنک نه رنکاره
 کیردیکنی وایتالیانک انقسامنه دائر اولان
 زوریح معاهده سنک اصول قومیتنه قدر
 قولایمقله قربان ایلدیکی جمله نک معلومی اولان
 حالاتندر . بناءً عایه تفیش مشترکدن التحاق
 مسئله سی حقیقه جنی خوفندن و تأمینات واقعه نک
 بویله طلب سخینک ظهورینی منعه ونه ده
 بعد الظهور کان لم یکن حکمنده قالمسنه مدار
 وفأده سی اوله میه جنی وهمندن ذممنلری کیرو
 الموق مشکندر . وبالفرض الحال انکلتره و اوستریا
 دولتلری بزه ایتدکلری و عدده ثبات ایده بیله جک
 اولسه لری بیله روسیه لولرو انلره اتباعاً پروسیالولر
 و بلاشبیه فرانسه لولر ترویج استدعای اهالیده
 اصرار ایده جکاری و بوکا موافقت ایتدیکنمز
 صورتده میدانده اولان مخاطرات و صعوبات
 کما کان بردوام و متزاید اوله جنی و مشارالیهما
 انکلتره و اوستریا دولتلری ایسه برکونه معاونت

فعلیه ده بوانه میوب بونلری اسکات وارضا
ایله دفع بلاایدیکیزوادیسنده نصیحتلرله اکتفا
ایده جکری لوایح حاله دن مستدلر .

— بند —

بوندن اون ایکی سنه مقدم افلاق و بغداد
بکری انتخابی ایچون جمعی لازم کلان ملت
مجلسلرینه بغداد اهالیسی طرفدن تعیین
اولنان و کلانک اکثری ایکی بکلکک براشدیر-
لمی طرفداری اولمیان اشخاصدن مرکب
اولدیغنه فرانسه دولتی ممنون اولمیه رق بونلرک
انتخابنده حکومت طرفدن فساد قارشیدرلدیغی
جهتله اول مجلس فسخ اولنوب تکرار اهالییه
مراجعت اولمنسی روسیه و پروسیا و ایتالیا
دولتلیله برابر ادعا ایتشدی . اولوقت
انکلتره و آوستریا دولتلیری بوکا موافقت
اولنم-امسنی شدتله نصیحت ایدوب بزده او
نصیحتله عامل اوله رق دول اربعه ایله قطع
معاملات رسمیه درجه سنه قدر کیتمش ایدک .
صکره ایمراطور ناپولیون انکلتره قزالیچه سنک
(اوزبوزن) سراینه مسافر کیدوب و انکلتره
و کلاسیله صحبت ایدوب اونک اوزرینه یینه
انکلتره دولتک نصایح قطعیه سیله دول مشار

اليهكم ديدكاريني تماماً يامغه مجوريت حاله
 دوشديكمز وبارون (پروكش) ك انكلتره
 وكلاسك شو حركتلرني يالكز بزمه برابر
 آشوري تقييح ايدهرك بالضروره اوده
 اولكي سوزلرني كرى آلديني خاطر نشان
 عاليريدنر . اول زمان انكايزلر بوبله جانسز
 دكل ولورد (پالمرسستون) حياتده وراس
 حكومتده ايدى . شمدي ايسه پولتيقه بتون
 بتون دكيشمش وبيطرفلق وقوميت اصولي
 قاعده اتخاذا اولنمش اولديني حالده كريد
 خرستيانلري طرفندن بيان وفرانسه وروسيه
 دولتلري جانبندن قاعده مذكوره نامنه اوله رق
 ترويچ اولنه جق طلي عدم قبولده انكلتره
 دولتسك دولت عليه حقيقه وعلناً ورسماً
 معين اوله بيله جكي وموسيو (بوستك) فصاحت
 ودراتي شو مطاي استحصاله موفق اوله جني
 پكده منظون ومأمول دكلدر . اكرچه بوفقره
 وهله اوليددمصرانه رد ايتديكمز بر تكليفي
 بالاخره قبوله مجبور اولديغمزه مثال
 اولورسده درجه ثانيه ده دخي انكلتره و آوستريا
 دولتلرينك نصايح واقعدلري مداريله طوتديغمز
 مسايكي ينه المرك الحاحيله ترك ومخالفينك

مرضیلمنی اجرا احتیاجنده بولندیغمزی دخی
 اشراب ایدر وفرانسه دولتک موافق طرفه
 کچه بیلیمی ایچون قورلمسی شممدی دولتین
 مشار الیهما طرفلرندن شبهه سز خالصانه اوله رق
 نصیحت اولنان کوپری صکره بزی خدا حفظ
 بیورسون کرداب بلایه کتوره جک بر کچید
 اولورسه حسب الضروره آندن دخی مرورمزی
 ینه کندیلری طلب ایتک حالنده بولنه بیاه -
 جکارینه دلالت ایلر اولدیغندن بو محامده تذکارینه
 مبادرت اولندی .



تقدیس مشترکک دوات علیه جه ملحوظ
 اولان مضرات عظیمه سنک بری دخی جزیره نیک
 حال حاضریدر . ایکی سنه یه یقین مدتدن بری
 وقوع بولان حروب و مصادماتک نتایج
 طیبیه سندن اوله رق اکثر بیوت و مساکن
 و کنایس منهدم و محترق و یونانستانه هجرت ایتیمان
 اهلینک چونغی مغاره لرده و خرابه لر آلتنده
 عریان و جیعان ساکن اولدقلرندن کریده
 کلوب قرا و نواحی بی کزوب شو حاللری رأی
 العین مشاهده ایده جک و ارباب فساد طرفندن
 اهالی مضطربه مرقومه یه تعلیم اولنه جق
 شکایات و فریادلری کندی قولاق لریله

ایشیده جک اوروپا قومیسر لرینک قرارور آیلمی
 بزم طرفه موافق چیقماق و جزیره نك دولت
 عایهده قلمسنی مروج اولمق احتمالی اوله ماز
 ظن اولنور .

شو قدر وارکه ملاحظات مبسوطه میدانده
 اولان مشکلات پولتیقیه نك بر جزوی اولوب
 روسیه لولرک روم ایلی قطعہ سننده بلکه اناطولی
 و عربستانده بیله اجرا ایتمکده اولدقلری فسادات
 و تحریکاتک اوکنی المق حال حاضر خرائنه
 و بسانه بیله جک عساکرک مقمدارینه نظراً
 پک زیاده صوبتلی اولدیغندن بر طرفد اولنه جق
 ثبات و اسرار ایله خدانکرده هر طرفی خطر
 و تهاکیه القنا ایتمک دخی موافق حکمت
 و مصاحت اولیوب و بناء علیه اولنه جق مطالبات
 حال حاضرک عمومیتنه شامل اولمق لازم کلوب
 و مجلس عالی نك مذاکرات واقعه سی دخی
 بومر کزده اولوب روسیه دولتک القما و تشویقیله
 دول اربعه سفارتلری طرفلرندن چکنده
 حضور سائی داوریلرینه اعطا اولنان
 اعلاننامه مألنه و فرانسه امپراطوری حضر تلرینک
 موخرأ ملت مجلسنه ایراد ایلدیکی نطق رسمیده
 اولان عباریه نظراً اصلاح حال تبعه لقر دیشی



صدر اسبق عالی پاشا



عالی پاشایہ ایضاحات ویرمک اوزره
معارف ناظری ایکن مجلس خاص قراریله
کریده کوندریلان صبحی پاشا مرحوم

یالکیز کرید خرسایانلرینه منحصر قالمیوب
 عمومأ اھالیء مسیحیەدن بحث اولمقده اولمسیلہ
 عجباً کرید اوزرینہ اولان طلبلری یعنی تفتیش
 مشترک خصوصی واندن ظہورہ کلہ جک احوال
 قبول اولندیغی صورتده سائر طرفلرہ دائر
 اولان منویات مضرہ وفسادات متوالیەدن
 تخلص کریبان دوات ممکن اولہ بیلورمی اگرچه
 بوبایدہ اہانہ برجزم وامنیت کلہ بیلسہ تفتیشہ
 موافقت اخف شریخی اختیار دیمک اولور
 حیفاکہ امارات مشہودہ بونک عکسینی اخطار
 ایتکدودر. تفتیشدن حاصل اولہ جق حال مضرت
 اشتمال کریدہ منحصر قالمیوب بحر سفیدہ
 اولان سایر جزایر دولت علیہیہ وبتون
 روم ایلییہ سرایت ایدہ جکی وایتدیریلہ جکی
 وبنابرین بوراجہ ایدہ جکمز فدا کارلو دفع
 بلا ایدہ جک یردہ تزید فلاکتہ سبب اولہ جنی
 وھمنہ صاپلامق الدن کلیور اوروپانک احوال
 عمومیہ سی شہ و صورتلہ مختل و مشوش اولوب
 اسکی اصول محافظہ کاریسی یکی قاعدہ اختلال
 شعارییہ مبدل اولمسندن طولانی دولتلرہ عارض
 اولان کیفیت غریبہ بردوام اولدقچہ واکثر
 بو حالدن ناشی مفلوج حکمنده قالدقچہ روسیہ

دولتی بوندن و کئدوسنک موقع جنرافیسندن
وانکله حاصل ایتدیکی قوت عظیمه دن استفاده
ایدوب ایکیوزسنه دنبرو بلاد شرقیه و باخصوص
ممالک محروسه دولت علیه حتمده اولان
مضمرات معلومه سنی فعله کتورمکه چالشمقندن
بران کیرو طورمیه جنی و حاضر انه کیرمش
اولان فرصتی فوت ایتیه جکی و کیردجه اوله جق
موافقتدن ممنون اولوبده روم ایلی طرفلرینی شمیدیکی
کبی افساددن فارغ اولمیه جنی و شو سیل العدم
مفاسد و تحریکاته فرانسه دولتک سد و حائل
اولمیه جنی اشته باهدن بریدر قولکوزک ظن
عاجزانه مجبه بولندیغمز حال خطرناکدن
عون باری ویاوریء موفقیته حضرت شهریار
ایله قورتلک بر چاره سی وار ایسه عموماً
خرستیان تبعه نك اصلاحه محتاج دنیلان احوالی
هر نه ایسه انلری دولت کندولکنندن اولارق
بلا افاته وقت یاپوبده روسیه لونک لندن
شو سلاح تزویر و اغفالی اولسون المق
و افکار عمومیه اورویایی بو تقریب ایله جلب
و خرستیان تبعه یی مهمالکن تالیف ایتک
ماده لری اولدیغندن هر نه قدر صددن خارج
ایسه ده حسب العبودیه و عفو عالییه مغروراً
بونک دخی علاوه سیله تزید تصدیعانه جسارت

قائدى حاصلى احكام زمانيه اوله رق دولت
 عاينه نك دخى مبتلا اولديغى مشكلات وضعوباتك
 كلياً احساسى قابل اولمسه بيله بعض مرتبه
 تخفيفيله وقت قزانلمسى بر ياندىن تكليفات
 حاضره مثللو تبعه يه سوء عبرت و جمله سنى
 عصيان و شقاوته تازيانه شوق و غيرت اوله جق
 شيلرك ممكن مرتبه دفعنه چالشمغله برابر داخلأ
 احتياجات مشروعه اهاالينك ارضاسنه منوطدر .
 اشبو مقدمات و تفصيلات انك لتره و اوستريا
 دولترينك عرض ايلدكلى وساطت دوستا .
 نه نك جرحى طرفى مروج كى اولوب فقط
 شمديكى حالده سلطنت سنيه اك خير
 خواه كورينسان ايكي دوات عظيمه نك حل
 اشكال نيت خالصه سيله معروف اولان مسا .
 عيلرني هيچه صايق و كلياً و قطعياً ردايمك
 دخى هم لايقسر و همده غايت مضر اوله جنى
 امور و اضحه دن اولمغين مجلس عالينك مباحثات
 مصيبه سى فذليكه سى موجبنجه ايشك بر اورته سنى
 بولمغه چالشمق امر طبيعيدر . مثلاً دولتين
 مشارالهمانك تبليغات واقعه لرينه اطرافلى بر
 جواب قلمه النوب انده كريد مسئله مشكله سنك
 حل و تسويه سى ضمننده صرف ايلدكلى
 مجهودات خالصه لرى و دولت عاينه يه بويوزدن

دخی ارانہ ایتدکری دلائل حسن توجهلری
 زیادہ سیلہ موجب ممنونیت و شکرانیت
 اولدینی و ویردکری نصایح کمال اہمیتلہ استماع
 و فوق الغایہ تقدیر بیورلدینی مقدمہ سندن
 صکرہ کندولرینک کوستردکری خلوص
 و صفوتک مورث اولدینی امنیت کاملہ یہ مبنی
 حقیقت حالک و تفتیش مادہ سندن اولان مضرات
 و محاذیرک بر کرہ بلاکتہ وضع میزان انصاف
 و حقانیتلری قنمسی نزدعالی حضرت ملوکانہ دہ
 مناسب کورلدیکی تمہید و کرید حادثہ سنک
 اسباب و وقوع و دوامی مجملہ بیان و تکرار
 اولدینی متعاقب اجراسی تنسیب اولنان تفتیش
 مشترکدن غرض اگرچہ اہالینک احوال
 حاضرہ و احتیاجات مشروعه لرینک میدانہ
 چیقارلسندن عبارت ایسہ دولت علیہنک
 خلاف مرضیسی اولہرق بونجہ و قندبرو دوام
 ایتمش اولان حال اختلال جزیرہنک اسلام
 و خرسیتیان بتون سکانی سویاً و عموماً
 پک زیادہ اضرار و ادارہ مملکتی اخلال ایتمش
 اولدینی میدانہ و بونک تعمیری مثلاً ویرکولرک
 بر قاج سنہ مدت ایچون عفوی و ادارہ آتیهنک
 اصلاحی و سہار اقتضایدہ جک معاونتک

اجرائی خصوصاً لرینہ و ابستہ بولندیغی جهت لرا
 اولبابده تفتیش مشرکہ قطعاً حاجت اولندیغی
 و بو تدابیر تعمیریه و اصلاحیه بخشنده دخی دولت
 علیہنک اہالی جزیردنک مکف اولدقلری
 اعشار شرعیہنک مرحمة و موقتاً و خرسایانلرک
 ویرہ کلدکلری بدل عسکری بی کلیاً عفو ایتمش
 و میری بورجی اولنلرک دیننی امہال و ایجابنہ
 کورہ امحایہ حاضر بولنمش و خراب اولمش خانہ
 و معبدلرینک تعمیر و انشاسنہ ہر درلو معاونت
 و عنایتی بیدریغ طومتغہ قرار ویرمش
 اولدیغندن تعمیر خسار یولندہ تفتیش قومسیو-
 نیک نہ قدر تحری اولسہ بولردن فضلہ یاپہ حق
 بر شی بولہ میہ جنی اشکار اولدیغی مثلاً اسلہ
 سلرینی مقدا کورمش اولدقلری اصلاحات
 ادارہ جزیرہنک بودفعہ کندولرینہ اعطا اولنان
 نظاشانات متفرعہ سی مطالعہ سندن معلوملری
 اولہ جنی و جہلہ اطہنک محکمہ لری و ادارہ
 مالکیہ و مالیہ سنہ مأمور مجلسلری بتون اہالینک
 انتخاب کردہ سی اولان اعضادن مرکب و مرتب
 اولدیغی و مأمورین حکومتک چوغی خرسایاندن
 نصب اولندیغی و معاملات و محرراتدہ زحمت
 چکامہ مک ایچون بتون کاتبلر چیفته اولہرق

تعیین قلندیغنی و حکومت قانونیه یعنی محاکم
 حکومت اجرائیه دن کلیاً تفریق ایدلدیکی
 و خرسستیانلرک اهل اسلام ایله اوله جق
 دعوالرینک رؤیتی بالخاصه محاکم مختلفه
 قانونیه یه حواله قلندیغنی و رالی و متصرفلرک
 افعال حرکاتی یانلرنده بولنه جق و برطاقم
 اعضاسی اهالینک منتخبلرندن مرکب
 اوله جق مجلس اداره نک تحت تدقیقنده بولنه جنی
 و بهر سنه یینه اهالینک انتخاب ایلدکلری و کیلار
 مرکز ولایتیه طو پلانوب جزیره نک محتاج
 اولدیغنی اصلاحاتی بیان ایده جکلری و بونظامات
 بافرمان عالی اعلان و تمامی اجراسی قویاً تأمین
 اولنه جنی مقرر اولمغله و سکنه جزیره یی
 صورت استحصالی ازعاج ایدن رسومات
 وار ایسه آنلرک دخی تسویه سنه حانیه ده بولنان
 وکلای اهالی ایچندن ترتیب اولنان قومیسوینده
 باقلمقده بولمغله و کندولرینک و بالجمله همشهر -
 یلرینک شو مساعداتدن کاملاً ممنون اولوب
 بشقه هیچ برطلب و استدعالری اولمدیغنی کرک
 وکلای وارده و کرک جبر اشقیادن مصون اولدقچه
 بریاندن کلکده اولان مبعوثان سائره یکنزبان
 اتحاد و اتفاق اوله رق اعلان و بیان اتمکده

بولنملریله بونک اوزرینه تفتیش قومیسونی
 اهلیدن دها نه صور مق و نظامات مذکور ددن
 زیاده جزیره دن بتون کف ید ایتمکن فضاه
 نه ویریه بیلیمک احتمالی اولدیغی و اورویانک الک
 سربست واک متمدن و منتظم اولان یرلرنده
 بیه محاکم و مجالس اداره اعضاسی دولت
 طرفدن نصب اولندیغی حالده بوراده اهلینک
 اتخابنه بر اقلمله حقوق ناسک امنیتنه بوندن
 بیوک ضمان و کفالت ویرلمسی ممکن اوله میه جی
 و چونکه اعانه و اداره یه دائر دولت علیه نک
 اجرا ایتمش و ایتک اوزره بولنمش اولدیغی هم
 جلیله و نظامات مشروحه نک خارجنده بونلره
 متعلق بر شی بولنوب علاوه اولنق قابل
 اوله میه جفندن و جزیره یه خرستیاندن بر والی
 نصبی اساساً مجروح اولیوب فقط شمیدیکی
 حالده اوراده زیاده جه عسکر بولنسی جهتیه
 بر بیوک قوماندانک وجودی الزم و ایکی اداره نک
 برالده اولسی اهلینک حسن اداره سنجه
 دخی اهم اولدیغنه بنهء ولایتیه قوماندانلق
 برلشدیرلمش ایدوکنندن تفتیش مشترک
 ایشی بالطبع بولتیقه جهتی یعنی اعالی عیسویه نک
 امر تابعیته هانکی دولتی ترجیح ایده جکلریتی


ویا خود بتون بتون بر جمهوری ایسته به جکاری
 آریوب صور مغه منحصراً جفی بویه پریشان
 صورتده دکل ایو بر یوله ودها دلائل قویه
 علاودسیله واطرافیه بیان بیورلسه و مجالس
 مختلفه دعاوییه و دیمویروندیالره دائر چکنده
 و مجالس اداره و مجالس عمومی به متدائر بو
 دومه تقدیم اولان نظامنامدک بعد الاصلاح
 بر صورتلری دخی برابر ویرلسه عجبامدار
 تعدیل اوله بیلورمی و مرارت رد و جرح قطعی
 مخدورندن قورتاروب طاتلیتدیرمی و بو
 عارض اولان توهاتی رأی مقامنده اولیه رق
 یالکز تدقیق عالیلیله آرای صائبه وکلای
 فحامک تمیزینه تقدیمه جزات ایلدم . چونکه
 حقیقه کرید جزیره سنک کرک تعمیر خساری
 و کرک تأمین اداره آتیسه ایچون بیدریغ
 و سزاوار بیوریلار آثار مراحم و مساعداتک
 ایلروسنی بولمق ممکن اولیوب و خرسیتیانلرک
 هرشیده مساواتلری و ادارهده اشتراکاری
 تام اولوب بونک خارجنده یونانستانه الحاق
 ویا خود امارت مستقله ویا بر خرسیتیان جمهوری
 تشکیلی ماده لرندن بشقه شی قالمدینی واهالی
 عیسویهنک حسب الدیانة و القومیه اشکال

ثلثه نك درجه درجه هر برینی دولت اسلامیه -
 نك تابعیت والطافه ترجیح ایتلمری مستبعد
 اولمدیغندن بونی اكلامق ایچون مختلط قومیدسیون
 ارسالی تکلفنه حاجت اولدیغنی ملاحظاتی
 وتوهات مشروحیه بی ملتی واوزون اوزون
 بیان وترقیمنی مؤدی اولدی .

مبدأ عریضه چا کریده دخی خامه گذار
 اشعار اولدیغنی وجهله صحیحاً هر طرفی مشکلات
 و غمخاطرات ایله محاط و محفوظ اولان بویله بر
 مسئله مهمه یه رأی قارشیدیرمغه لیاقت بندکانهم
 کافی اولدیغنی بیلور اولدیغم حالده بویله طول
 و دراز تصدیعه مبادرتم مجرد هر حالده امر
 و اراده التفات افاده حضرت شهنشاهییه
 فرض عین اولان امتثالی یرینه کتورمك املنه
 مبنی اولدیغنی و مواد محرره ایسه اشعارات
 علیه لرندن استنباط اولنان احکامك مع النقصان
 تکراری دیمك بولندیغنی جهتله هیئت عالیه
 دولت طرفندن نه صورتله تنسیب و تصویب
 اولنور و اراده حکمت معتاده جناب ظل اللهی
 نه مرکزده اصابت افزای سنوح و صدور
 بیلور ایسه محض خیر و منفعت انده اوله جغندن
 اولبایده امر و فرمان .



فیاتی ۱ غروشدر



بکر افندی مطبعه - وزیر خان